

ა(ა)იპ საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაციის

2019 წლის საქმიანობის ანგარიში

ორგანიზაციული მიმოხილვა

საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაცია (საბფმფ), არის წევრობაზე დაფუძნებული არასამთავრობო, არაკომერციული პროფესიული ორგანიზაცია. იგი შეიქმნა 2011 წლის დეკემბერში.

ფედერაციის საქმიანობის მიზნებსა და ამოცანებს წარმოადგენს:

საქართველოში აუდიტორთა, ბუღალტერთა და ფინანსურ მენეჯერთა პროფესიული ინტერესების დაცვა;

საერთო ძალისხმევა საქართველოში აღრიცხვა-ანგარიშგების აუდიტის და ფინანსური აღრიცხვის საერთაშორისო სტანდარტებთან შესაბამისობის და ფაქტობრივი დამკვიდრების უზრუნველყოფისთვის;

აუდიტის, ბუღალტრული აღრიცხვის და ფინანსური მმართველობის მარეგულირებელი საკანონმდებლო ბაზის შემდგომი სრულყოფის შესახებ წინადადებებისა და რეკომენდაციების შემუშავება, წარდგენა შესაბამის ორგანოსთვის, ზრუნვა მათი პრაქტიკული რეალიზაციისთვის;

აუდიტორთა, ბუღალტერთა და ფინანსურ მენეჯერთა პროფესიული კვალიფიკაციის ამაღლება, განგრძობითი სწავლებისა და სერტიფიცირების პროცესის განხორციელება;

ფედერაციის წევრთა მიერ პროფესიული ეთიკის სტანდარტების დაცვისა და საქმიანობის ხარისხის უზრუნველყოფა.

ფედერაცია დასახული საერთო მიზნის მისაღწევად:

აერთიანებს აუდიტორების, ბუღალტრების, ფინანსური მმართველების, საგადასახადო კონსულტანტების, აგრეთვე სხვა დაინტერესებული პირების ინტელექტუალურ და მატერიალურ რესურსებს პროფესიული ინტერესების, დასახული ამოცანების მიღწევის შესაძლებლობების შესაქმნელად;

გამოხატავს თავისი წევრების ლეგიტიმურ ინტერესებს სახელმწიფო მმართველობით, აღმასრულებელ და ადმინისტრაციულ ორგანოებში;

წარადგენს წინადადებებს ხელისუფლების შესაბამის სტრუქტურებსა და ორგანოებში აუდიტის, ბუღალტრული აღრიცხვის, ფინანსური მმართველობის და საგადასახადო კანონმდებლობის სრულყოფის საკითხებზე;

უზრუნველყოფს წევრების ინფორმირებას ეკონომიკურ ურთიერთობათა მარეგულირებელ საკანონმდებლობლო აქტებში მომხდარი ცვლილებების, კანონპროექტების თუ პროფესიულ სფეროში სიახლეების შესახებ კონფერენციების, სემინარების, ელექტრონულ ბეჭდურ ორგანოში პუბლიკაციების მეშვეობით;

ქმნის მიზნობრივ ფონდებს ფედერაციის მიზნებისა და ამოცანების შესაბამისი საქმიანობის ფინანსური მხარდაჭერისა და წევრების წახალისებისათვის;

იღებს მონაწილეობას საერთაშორისო, რეგიონულ და სხვა პროფესიულ გაერთიანებებსა და კავშირებში წევრობის სახით, ან სტუმრის სტატუსით;

შეიმუშავებს და ამკვიდრებს თავისი წევრების მიერ პროფესიონალი ბუღალტრების ეთიკის კოდექსის (IESBA Code) მოთხოვნების დაცვის უზრუნველყოფის სისტემას;

ატარებს განგრძობით სწავლებას და პროფესიულ სერტიფიცირებას საქართველოში მოქმედი კანონმდებლობის შესაბამისად;

შეიმუშავებს საერთაშორისო სტანდარტების მოთხოვნების შესაბამის შიდა პოლიტიკას და პროცედურებს, თავისი წევრი აუდიტორების/აუდიტური ფირმების ხარისხის კონტროლის სისტემის მონიტორინგის მექანიზმს, ასევე, დისციპლინარული პასუხისმგებლობის დაკისრების სისტემას და ახორციელებს მათი უზრუნველყოფის ღონისძიებებს ფედერაციის კომპეტენციის გავრცელების არეალში;

წარმართავს ფედერაციის წევრთა და აუდიტორთა/აუდიტური ფირმების რეესტრს;

გამოსცემს საინფორმაციო, მეთოდოლოგიურ, საცნობარო და სარეკლამო მასალებს, აგრეთვე ელექტრონულ სამეცნიერო, ანალიტიკურ, პრაქტიკულ ჟურნალს თავისი წევრებისა და დაინტერესებული პირების მოხმარებისთვის.

საბჭმფ წევრები არიან ბუღალტრული აღრიცხვისა და აუდიტის წარმომადგენელი ფიზიკური და იურიდიული პირები. 2020 წლის 1 იანვრის მდგომარეობით, ფედერაციის წევრია 241 სერიფიცირებული ბუღალტერი, 109 არასერიფიცირებული ბუღალტერი (სულ 350 ფიზიკური პირი) და 54 იურიდიული კომპანია.

ფედერაციის მართვა:

ფედერაციის მმართველობითი ორგანოებია: • ფედერაციის წევრთა (წევრების წარმომადგენელთა) საერთო კრება; ფედერაციის გამგეობა; ფედერაციის აღმასრულებელი დირექტორი; • სარევიზიო კომისია; • კომიტეტები;

ფედერაციის სტრუქტურაში მოქმედებს: ფედერაციის აჭარის რეგიონული ორგანიზაცია; • სასწავლო ცენტრი, რომელიც შექმნილია სპეციალიზებულ სუბიექტთან წილობრივი მონაწილეობით, ფედერაციის წესდებით განსაზღვრული წევრების განგრძობითი სწავლებისა და პროფესიული სერტიფიცირების უზრუნველსაყოფად; • ბეჭდური ელექტრონული ორგანო - პერიოდული სამეცნიერო, ანალიტიკურ-პრაქტიკული ჟურნალი.

ფედერაციის უმაღლეს მმართველობით ორგანოს წარმოადგენს ფედერაციის წევრთა (წევრების წარმომადგენელთა) საერთო კრება;

ფედერაციის ხელმძღვანელ და განმკარგულებელ ორგანოს წარმოადგენს ფედერაციის გამგეობა;. ფედერაციის გამგეობა შესდგება სულ 9 წევრისგან, მათ შორის, გამგეობის თავმჯდომარის (ფედერაციის პრეზიდენტის) და 8 წევრისგან;

ფედერაციის მიზნებისა და ამოცანების განსახორციელებლად შექმნილია შემდეგი კომიტეტები: • წევრობის კომიტეტი; • პროფესიული ეთიკის და დისციპლინარული კომიტეტი; • ხარისხის მონიტორინგის და კონტროლის კომიტეტი; • განათლებისა და სერტიფიცირების კომიტეტი; • სტანდარტების და პრაქტიკის კომიტეტი; • საგადასახადო საკითხთა კომიტეტი.

საბჭმე გაფორმებული აქვს ურთიერთანამშრომლობის მემორანდუმები აღმოსავლეთ ევროპის და პოსტსაბჭოთა ქვეყნების IFAC-ის წევრ პროფესიულ და მარეგულირებელ ორგანიზაციებთან, აგრეთვე პროფესიულ ორგანიზაციებთან და უმაღლეს სასწავლებლებთან საქართველოში.

საბჭმე თანამშრომლობის სურვილი გამოხატა მსოფლიოში წამყვანმა მეცნიერებმა და პრაქტიკოსებმა. ისინი წარმოდგენილნი არიან ფედერაციის ბეჭდური ელექტრონული სამეცნიერო, ანალიტიკურ-პრაქტიკული ჟურნალის „ბიზნესი და კანონმდებლობის“ სარედაქციო კოლეგიაში და სისტემატიურად აქვეყნებენ სტატიებს.

საბჭმფ აქტიურად თანამშრომლობს ბუღალტრული აღრიცხვის, ფინანსური ანგარიშგებისა და აუდიტის ზედამხედველობის სამსახურთან, ბუღალტრული აღრიცხვისა და აუდიტის სფეროსთან დაკავშირებულ საერთაშორისო საერთაშორისო ორგანიზაციებთან, საქართველოს სამთავრობო და არასამთავრობო სტრუქტურებთან, აკადემიურ სექტორთან.

პროფესიული საქმიანობა

გამგეობის საქმიანობა

წესდებით განსაზღვრული ფუნქციების შესაბამისად სისტემატურად ხდებოდა საკითხების განხილვა გამგეობის სხდომებზე.

წლის განმავლობაში გამგეობის საქმიანობის ძირითადი ძალისხმევა მიმართული იყო ბუღალტრული აღრიცხვის, ანგარიშგებისა და აუდიტის ზედამხედველობის სამსახურთან თანამშრომლობაზე.

თანამშრომლობის ძირითადი მიმართულებები იყო: პროფესიული სერტიფიცირების, განგრძობითი განათლების სტანდარტებისა და პროგრამების პროექტების, აუდიტორთა და სერტიფიცირებულ ბუღალტერთა რეესტრის წარმოებისა და ხარისხის კონტროლის სისტემის მონიტორინგის წესების რეალიზება და სხვა.

საანგარიშო პერიოდში თანამშრომლობა გრძელდებოდა მსოფლიო ბანკის „აღმოსავლეთ პარტნიორობის ქვეყნებში აუდიტისა და ანგარიშგების გაუმჯობესების პროგრამის (STAREP) ფარგლებში. პროგრამა ითვალისწინებს ფინანსური ანგარიშგების რეფორმის მხარდაჭერას, საკანონმდებლო მარეგულირებელი ბაზის გაუმჯობესებას და ფინანსური ანგარიშგებისა და აუდიტის სფეროებში საუკეთესო საერთაშორისო პრაქტიკის დანერგვის ხელშეწყობას ითვალისწინებს. პროექტის ფარგლებში აქტიურად იყო ჩართული ჩვენი ორგანიზაცია და მონაწილეობა მივიღეთ სხვადასხვა კონფერენციებსა და სემინარებში.

საანგარიშო პერიოდში ჩატარდა გამგეობის 6 სხდომა (წესდება ითვალისწინებს სამ თვეში მინიმუმ ერთი სხდომის ჩატარებას) და სხდომებზე მიღებული დადგენილებები ფაქტობრივად შესრულებულია.

კომიტეტების საქმიანობა

1. განათლების კომიტეტი

პროფესიული სერტიფიცირება, ბუღალტერთა გადამზადება და უწყვეტი განგრძობითი განათლების ხელშეწყობა ფედერაციის საქმიანობის ერთ-ერთ ძირითად მიმართულებას წარმოადგენს. ახალი საკანონმდებლო მოთხოვნებიდან გამომდინარე, ამ მიმართულებით, საანგარიშო წელს ბუღალტრული აღრიცხვის, ანგარიშგებისა და აუდიტის ზედამხედველობის სამსახურს, სამსახურის მიერ დადგენილი პროფესიული სერტიფიცირებისა და განგრძობითი განათლების სტანდარტების შესაბამისად, მომზადდა და აღიარების მიზნით წარედგინ 2019 წლის განგრძობითი განათლების პროგრამა.

ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ აღიარებული ფედერაციის 2019 წლის განგრძობითი განათლების პროგრამის (SARAS-CPD-008/19) პროექტი მომზადდა პროფესიული ორგანიზაციებისა და მსხვილი აუდიტორული კომპანიების წარმომადგენელთა ერთობლივი თანამშრომლობითა და შეთანხმებით. პროგრამით გათვალისწინებული სემინარები პირველად განხორციელდა აუდიტორულ კომპანიებთან კონტრაქტის საფუძველზე, კერძოდ პროგრამის სილაბუსებით გათვალისწინებული სასწავლო მასალები მოამზადა და სემინარები ჩატარა შპს „ბლო-მ“. ფედერაციის წევრებისთვის ხელშეწყობისა და მეტი კომფორტის შექმნის მიზნით, ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ აღიარებული ფედერაციის განგრძობითი განათლების პროგრამის (რეგისტრირებულია **SARAS-CPD-008/19**) შესაბამისად, 2019 წლის 14 ოქტომბრიდან 2019 წლის 14 დეკემბრამდე პერიოდში, ჩატარდა განგრძობითი სწავლება სამ ნაკადად. ფედერაციის წევრებისთვის აჭარიდან სწავლება ჩატარდა ბათუმში. რეესტრში რეგისტრირებული 241 სერტიფიცირებულ ბუღალტრიდან განგრძობითი სწავლება გაიარა 174, გადაუვადდა 2-ს, განგრძობითი განათლების მოთხოვნა ვერ შეასრულა 10 პირმა.

2019 წლის 26 ივლისიდან 4 აგვისტომდე ბუღალტრული აღრიცხვის, ანგარიშგებისა და აუდიტის ზედამხედველობის სამსახურის 2019 წლის 22 ივლისის №556 ბრძანების

საფუძველზე ჩატარებული იქნა მეცადინეობები განგრძობითი განათლების 2018 წლის პროგრამით დამატებითი ჯგუფისათვის, რომელზედაც სწავლება გაიარა 6 პირმა

განათლების კომიტეტის საქმიანობაში, საანგარიშო წელს, მნიშვნელოვანი იყო „ზედამხედველობის სამსახურის“ მიერ 2018 წლის 13 ნოემბრის №857 ბრძანებით აღიარებული ფედერაციის პროფესიულ სასერტიფიკაციო პროგრამის (ნომერია **SARAS-IPD-0003**) პოლიტიკის განსაზღვრა და მონიტორინგის განხორციელება.

ფედერაციამ მსოფლიო ბანკის მხარდაჭერით ქ. თბილისში, ქ. ქუთაისსა და ქ. ბათუმში ჩაატარა სატრენინგო კურსებს - ფინანსური აღრიცხვის საერთაშორისო სტანდარტები მცირე და საშუალო ბიზნესებისთვის (IFRS FOR SMEs) - მსოფლიო ბანკისა და ევროკავშირის ერთობლივი ფინანსური ჩართულობისა და ანგარიშვალდებულების პროექტის ფარგლებში. კურსის მიზანი იყო IFRS სტანდარტებში გადაამზადოს მესამე კატეგორიის საწარმოებიდან ანგარიშგებაზე პასუხისმგებელი პირები.

2. სტანდარტებისა და პრაქტიკის კომიტეტი

კომიტეტის ფუნქციებია ფინანსური ანგარიშგების სტანდარტებთან დაკავშირებული ყოველწლიური განგრძობითი სწავლებისა და სხვა სახის სემინარებში სასწავლო პროგრამების შედგენა და ტრენინგების ჩატარება; წერილობით შემოსულ კითხვებზე პასუხების მომზადება.

კომიტეტის მხარდაჭერით წლის განმავლობაში ჩატარდა 36 საათიანი ტრენინგი მცირე და საშუალო ბიზნესებისთვის ფინანსური აღრიცხვის საერთაშორისო სტანდარტებში, რომელშიც მონაწილეობდა 14 დაინტერესებული პირი, რომლებზეც გაიცა შესაბამისი სერტიფიკატი.

კომიტეტი ჩართული იყო განგრძობითი სწავლების 2019 წლის თემატიკით გათვალისწინებული სემინარების პროგრამის მომზადებისა და ლექციების ჩატარების პროცესში.

სასურველია კომიტეტმა ხშირად ჩაატაროს შეხვედრები ფედერაციის წევრებთან თავისი ფუნქციების უკეთესად განსახორციელებლად.

3. საწევრო კომიტეტი

საწევრო კომიტეტი განიხილავს წევრობის კანდიდატების წარმოდგენილ დოკუმენტებს, იღებს გადაწყვეტილებებს მათ წევრად მიღებაზე, ატარებს ადმინისტრაციულ ღონისძიებებს წევრობის შეჩერებასა და გარიცხვაზე. კურიერებს საწევრო გადასახადების დაფარვის პროცესს.

2020 წლის 1 იანვრის მდგომარეობით ფედერაციის წევრი იყო 350 ფიზიკური და 54 იურიდიული პირი.

აღსანიშნავია, რომ 2019 წელს ფედერაციაში გაწევრიანების მსურველთა რაოდენობა უმნიშვნელოა, რაც საჭიროებს ამ კუთხით მუშაობის გაუმჯობესებას.

4. ხარისხის კონტროლისა და მონიტორინგის კომიტეტი

კომიტეტი ჩართული იყო სამუშაოებში, რომელიც პროფესიული ორგანიზაციების თანამშრომლობით, მცირე აუდიტორული ფირმებისთვის აუდიტის ხარისხის გაუმჯობესების მხარდაჭერის მიზნით, HAT-ის სახელმძღვანელოს თარგმანის სრულყოფასა და აუდიტორული პროგრამა E-dok-ის ადატირების უზრუნველსაყოფად მიმდინარეობდა. აღნიშნული ინგლისისა და უელსის დიპლომირებულ ბუღალტერთა ინსტიტუტის (ICAEW), ასევე, აზიის განვითარების ბანკის (ADB) მიერ დაფინანსებული რეგიონული ტექნიკური მხარდაჭერის პროგრამის ნაწილია. პროგრამის მიზანია საქართველოში რეგისტრირებული აუდიტორების და აუდიტორული ფირმების ხარისხის გაუმჯობესება.

საანგარიშო წლის განმავლობაში აუდიტორულ ფირმებს ფედერაციისათვის „ხარისხის კონტროლის დიაგნოსტიკური ანგარიშის მომზადების წესის“ შესაბამისად წინასწარი მონიტორინგისათვის არ მოუმართავთ.

გასააქტიურებელია კომიტეტის საქმიანობა და პერიოდულად ფედერაციის გამგეობას წარმოუდგინოს ინფორმაცია ზედამხედველობის სამსახურის მიერ ფედერაციის წევრ აუდიტორულ კომპანიებში განხორციელებული ხარისხის კონტროლის შემოწმების შედეგების შესახებ.

5. საგადასახადო საკითხთა კომიტეტი

საგადასახადო საკითხთა კომიტეტის ფუნქციაა: ფედერაციის ყოველწლიური განგრძობითი სწავლებისა და სხვა სახის სემინარებში გადასახადებთან დაკავშირებული პროგრამის მომზადება; წევრების საკონსულტაციო მომსახურება საგადასახადო დაბეგვრის, ბუღალტრული აღრიცხვისა და აუდიტის საკითხებზე; წერილობით შემოსულ კითხვებზე კონსულტანტის მიერ მომზადებული პასუხების პროექტის განხილვა და საბოლოო პასუხის მომზადება; საგადასახადო კოდექსთან დაკავშირებით გამართულ დისკუსიებში მონაწილეობა სამთავრობო და საკანონმდებლო სტრუქტურებთან. კომიტეტი საანგარიშო პერიოდში წარმატებით ასრულებდა თავის ფუნქციებს.

კომიტეტი გეგმავს აღადგინოს ფედერაციის წევრებთან შეხვედრების პრაქტიკა საგადასახადო კოდექსის სიახლეებთან დაკავშირებით.

6. პროფესიული ეთიკისა და დისციპლინარული კომიტეტი

კომიტეტი შეისწავლის წევრების მიერ ეთიკის კოდექსისა და ხარისხის კონტროლის სისტემის მიმართ დადგენილი მოთხოვნების დარღვევის გამოვლენილ ფაქტებს; გამოვლენილ დარღვევებზე ახორციელებს დისციპლინარული პასუხისმგებლობის დაკისრებას.

საანგარიშო წელს წევრების მიერ ეთიკის კოდექსისა და ხარისხის კონტროლის სისტემის მიმართ დადგენილი მოთხოვნების მნიშვნელოვანი (არსებითი) დარღვევის ფაქტები არ გამოვლენილა.

აღმასრულებელი სტრუქტურა

ფედერაციის მართვას ახორციელებს აღმასრულებელი სტრუქტურა, რომლის საქმიანობა რეგულირებულია ქვეყანაში მოქმედი კანონმდებლობითა და წესდებით.

ურთიერთობა საერთაშორისო ორგანიზაციებთან

საქართველოში რეგისტრირებული აუდიტორების და აუდიტორული ფირმების ხარისხის გაუმჯობესება აუდიტისა და ბუღალტრული აღრიცხვის სფეროში მიმდინარე რეფორმის ერთ-ერთი ძირითადი საკითხია. ამ მიზნით, ფინანსთა სამინისტროს

ბუღალტრული აღრიცხვის, ანგარიშგებისა და აუდიტის ზედამხედველობის სამსახურის ინიციატივით, ინგლისისა და უელსის დიპლომირებულ ბუღალტერთა ინსტიტუტმა (ICAEW) რეგიონული ტექნიკური მხარდაჭერის პროგრამის განხორციელება დაიწყო. პროგრამა აზიის განვითარების ბანკის მიერ არის დაფინანსებული. პროგრამას მხარს უჭერს მსოფლიო ბანკის ფინანსური ანგარიშგების რეფორმის ცენტრი (CFRR). საანგარიშო პერიოდში ფედერაცია აქტიურად იყო ჩართული აღნიშნულ პროექტში.

2019 წლის ნოემბერში „თვინინგის პროექტის ფარგლებში, საერთაშორისო გამოცდილებების გაცნობის მიზნით, ფედერაციის წარმომადგენლებმა მონაწილეობა მიიღეს ორდღიან ვიზიტში საბერძნეთში, სადაც შეხვდნენ კოლეგებს, განიხილეს აუდიტის რეფორმის უპირატესობები და გამოწვევები, ერთმანეთს გაუზიარეს საუკეთესო პრაქტიკა, გაეცნენ საბერძნეთში მარეგულირებლისა და პროფესიულ ორგანიზაციას შორის ურთიერთობებს.

პრეზენტაციების შემდგომ, საუბარი იყო პროფესიის წინაშე არსებულ გამოწვევებზე და განსაკუთრებული ყურადღება დაეთმო საქართველოში ხარისხის კონტროლის დადგენილ მოთხოვნებთან მცირე ზომის აუდიტორული ფირმების შესაბამისობის მიღწევის შესაძლებლობების განხილვას.

ფინანსური მდგომარეობა

გასული წლების ფინანსური ანგარიშგების ანგარიშგების მიხედვით, ფედერაციას დამაკმაყოფილებელი ფინანსური მდგომარეობა აქვს. (იხ.ფინანსური ანგარიშგება).

იური პაპასქუა

საბფმფ-ის აღმასრულებელი დირექტორი

